



KANTON SARAJEVO
Kantonalna javna ustanova
za zaštićena prirodna područja

CANTON SARAJEVO
Cantonal Public Institution
for Protected Natural Areas

Broj: JN-249-8/17

Sarajevo, 13.12.2017. godine

Na osnovu člana 64. stav (1) tačka b) i čl. 70. st. (1), (3) i (6) Zakona o javnim nabavkama („Sl. glasnik BiH“, broj 39/14), člana 8. stav (1) tačka f) Pravilnika o uspostavljanju i radu Komisije za nabavke („Sl. glasnik BiH“, broj 103/14), a na osnovu Preporuke Komisije broj: JN-249-7/17 od 24.11.2017. godine, u postupku nabavke i isporuke terenskog vozila u svrhu upravljanja zaštićenim prirodnim područjima Kantona Sarajevo, direktor Kantonalne javne ustanove za zaštićena prirodna područja je d o n i o

O D L U K U
o izboru ponuđača

Član 1.

Prihvata se Preporuka Komisije za javnu nabavku broj: JN-249-7/17 od 24.11.2017.godine, te se dodjeljuje Ugovor za **nabavku i isporuku terenskog vozila u svrhu upravljanja zaštićenim prirodnim područjima Kantona Sarajevo** ponuđaču **GUMA M d.o.o. Mostar** čija cijena ponude iznosi 28.600,00 KM bez PDV-a i ukupnom cijenom sa uračunatim PDV-om u iznosu od 33.462,00 KM.

Član 2.

Ugovor o nabavci i isporuci terenskog vozila i dodatne opreme koja čini predmet ove nabavke će se dostaviti na potpis izabranom ponuđaču GUMA M d.o.o. Mostar nakon proteka roka od 10 dana od okončanja postupka javne nabavke.

Član 3.

Ova odluka objavit će se na službenoj web stranici Javne ustanove: www.zppks.ba istovremeno s dostavljanjem ove odluke i obavještenja ponuđaču.

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom direktora Javne ustanove broj: JN-249/17 od 06.11.2017. godine. Procijenjena vrijednost javne nabavke bez PDV-a je 30.000,00 KM. S obzirom na procijenjenu vrijednost nabavke, procedura javne nabavke je provedena putem konkurentskog zahtjeva za dostavu ponuda. Najniža cijena je utvrđena kao kriterij dodjele ugovora.

Obavijest o nabavci broj: 522-7-1-237-3-10/17 poslana je na Portal javnih nabavki dana 07.11.2017. godine. Tenderska dokumentacija sa aneksima je poslana i postavljena na portalu javnih nabavki. Za ovaj postupak javne nabavke se predvidilo provođenje E –aukcije.

Komisija koja je imenovana Odlukom broj:JN-249-1/17 od 06.11.2017. godine je pored sačinjavanja tenderske dokumentacije izvršila otvaranje ponude, analizu ponude u formalno-pravnom i tehničkom smislu, izvršila preračun cijene ponude, sačinila zapisnik o pregledu i

ocjeni ponude i dala preporuku o izboru ponuđača u predmetnoj nabavci, te je dostavila direktoru Javne ustanove s ciljem donošenja konačne odluke.

U postupku je utvrđeno da je Komisija za javnu nabavku blagovremeno i pravilno izvršila otvaranje ponude, o čemu je sačinila odgovarajući zapisnik u kojem je utvrđeno slijedeće:

- ✓ ukupno je pristigla jedna ponuda koja je blagovremeno zaprimljena;
- ✓ neblagovremeno zaprimljenih ponuda nije bilo.

Ponudu je dostavio ponuđač GUMA M d.o.o. Mostar sa cijenom ponude u iznosu 28.600,00 KM bez PDV-a. Nakon analize i ocjene kvalificirane ponude, Komisija nije zakazala provođenje E-aukcije iz razloga što je prispjela samo jedna ponuda, koja je ujedno i kvalificirana.

U postupku donošenja ove odluke, posebno su cjenjene činjenice da je Komisija, pravilno i potpuno, izvršila ocjenu kvalifikacije ponuđača, shodno kriterijima iz tenderske dokumentacije te dala preporuku direktoru da se GUMA M d.o.o. Mostar izabere kao ponuđač.

Direktor je ocjenio da je Komisija u svemu pravilno postupila, a izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima i tenderskom dokumentacijom.

Ponuđač je u svojoj ponudi pored Izjave date kao Aneks br. 6. nije dostavio dokumentaciju o ispunjavanju uslova po pitanju lične sposobnosti navedenoj u članu 45. Zakona o javnim nabavkama. Dužan je tražene dokumente dostaviti u roku od tri dana od dana prijama ove odluke i obavjesti. U slučaju da ne postupi po prednje navedenom, ugovorni organ ponuštava postupak javne nabavke.

Na osnovu gore izloženog, direktor Javne ustanove je odlučio kao u članu 1. Odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje ugovornom organu tj. Kantonalnoj javnoj ustanovi za zaštićena prirodna područja u pisanoj formi direktno ili preporučenom poštanskom pošiljkom na adresu ul. Branilaca Sarajeva 28, 71 000 Sarajevo. Žalba se podnosi u dovoljnom broju primjeraka, a koji ne može biti manji od 3 (tri) primjerka.


DIREKTOR
mr. sci. Osman Delić



Dostaviti:

- 1) GUMA M d.o.o. Mostar;
- 2) za objavu na web stranici Javne ustanove;
- 3) u spis predmeta.